

于考終之日攤卷弗廢老年修德其再見乎
國朝

古節士

古諱朴字完夫航書時號爲書癖通五經能詩文性狷介無與于世無求於人蓋敦古篤行士也每見前言徃行必書之于壁滿屋皆師範之言古云見堯於墻始謂是與閉戶窮經甘貧樂道絕無塵世想每爲高賢見重著有易經五部集易卦淺說書經要語春秋胡傳要錄春秋集句五經閒論經書摘句四書信好集得心集學思筆記天人一貫

續華州志卷之三 人物列傳

李三

解致知錄史鑑纂言東銘註解壁間語記名物攷訂閒居膚論才智錄砭已要言日用字義保生集要芻蕘末議凭山詩草

人物列傳

義士傳

明宜義士

宜諱元吉字祥寰爲郡諸生性好義萬歷二十四年水災帶涓門外太平諸水泛濫四溢田卒汗萊民患之吉施地捐金粟修理河渠土反其宅水歸其壑至今賴之

明王義士

王諱肇禹字開夏玉汝公長子也少而能文長而好義夙昔以博濟爲心卽周急拯危無怪恠色會崇禎癸巳薦饑斗米值六十銖有奇罷市五日嗷嗷者衆太守鄧公甚恐禹則請曰願輸粟廼出粟梁米麥千餘碩計活者一萬九千七百四十八人學使汪公嘉厥義行以廩餼之示爲激勸又曰饑困之時卽有能文之士未聞煮字以瘳饑人者遂榜其廬云槐堂世德潼關憲使井公賢之曰義冠寰中云又因兵餉缺乏奉旨有捐助之條禹則助

續華州志卷之三 人物列傳

李三

餉一百五十溢督帥孫公上聞焉禹今太學生授縣丞夫義固難能事也一錙一銖鮮不却顧禹則愴慨出之毫無屯吝之惜安與簞食豆羹見于色者同日論哉舊志載禹祖濟民公出名郎于成化間輸粟八百碩賑饑撫臣藍公上其事奉部改郎爲濟民賜七品服以表嘉行語云祖孫父子世濟其美謂之世德寧虛譽乎

明李義民

李諱養氣字連池端慎慈良有古君子風蚤孤母育以成性好義崇禎己卯大稔分財濟衆饑者賴

焉

國朝順治己丑山寇掠人挾贖以鏹有王姓全家擄去氣與鏹一千二百銖俾妻子老幼歸聚如故故里中貧家殖貨還盜竊金去夫嬾幾自經且妄擬竊者欲聞官氣力止之出鏹二百四十銖焉令息恐枉害也不三日竊者以金夜擲其家其義氣感人類如此太守王公推重之為舉鄉耆得年七十有六卒於家至孫名世丁酉舉於鄉足以知修德之報云

明張義士

續華州志卷之三 人物列傳

七

公諱珊字子珍別號聖川其先世多隱德賦性穎達篤于孝友讀尚書能究圖虞廷心學為文宏肆開曠不拘時流即屢試不第毫無有動于其中歲稔躬率士民陳情撫按交疏請發倉廩以賑全活者眾則做秀才時便以天下為己任者即此可見性寬裕而尚廉靜以儉素傳家居鄉平恕不以才智先人然衣冠必正瞻視必尊文章德行每為多士所矜式云

明楊義民

楊諱守榮號近溪抗慨好義不以纖介為懷宗禎

庚辰薦饑有渭上党自真抵華糴粟遺一袋內銀二十八兩守榮拾之渠因號痛來尋榮問其故盡還之渠以十兩相謝分文不受夫以大禋之年人有見利而未必思義者榮則視此若錙銖毫不動色使渠復得此以全一家人則陰騭積于冥冥之中以昌厥後此其是耶古云晉公還帶杜戍還錦榮則有焉其子曰芳翔步學宮而磊砢英多非積聚之報乎

明杜義民

續華州志卷之三 人物列傳

七

杜諱自省號壽山行善好施平日以周急為心崇禎己巳往洛南貨殖至魏坡涓之古廟拾一袋內銀十二兩七錢抵縣不知其為誰氏之遺者忽有人號泣而來問其事則遺金者也問其人則祝登明也問其金數與件相埒也問其金之由來為田賦之輸也省慨然還之眾于是高其誼上聞縣賀公嘉嘆不置省度秦嶺見十八盤徑險且陘捐金修之行者便焉省子應用為郡弟子員豈非積善餘慶也哉

明賈義士

賈諱幼平字無側號移山借籍渭南入渭庠器度

魁梧性情仁孝善屬文淹通經史博洽天人究周程之秘微探朱陸之奧義不與俗士埒蓋篤行君子也少失怙恃惟祖母是倚事之以至孝聞且輕貨好施雖家徒四壁遇人之事無不周急極危期以濟之卽如王進成素不善于平有犯私茶之禁卒不念舊惡出數十金以贖何異晏子之解左驂于越石父也至妻族有貧絕無嗣者慨施棺木及五六喪皆如禮枯骨之戴澤何如哉後雖未登賢書而德行服人故涓庠咸舉之有督學臧公召至問以性理諸書及古今事應對如流移時弗倦文

續華州志卷之三 人物列傳

李

宗改容禮焉

明戴義民

戴諱永才年八十五歲五舉鄉耆恩賜壽官崇禎辛巳大祲出粟五十餘碩以賑饑者西符禺山符禺之水名爲遇仙河才製榷木後石梁次第有成孔七澗十有三尺長一百二十尺有竒建湯房在州西十七里寒暑不輟至各祠宇皆有捐助人譽爲素善前太守鄧公以三代異民稱之

明吳義民

吳諱進恭號南樓慷慨好義扶危濟急有古人風

度嘗拾金遺之帶汾王公高其行詎至祠祀每有捐助和厚與物性情溫良名公嘗樂與之遊教子大猷爲郡諸生亦如其父排難解紛里人每爲樂道之

明孫義民

孫諱耀統號輝宇平居好義士重然諾嘗周人之急會崇禎癸酉饑捐粟賑濟得活者甚衆又庚辰大祲白骨相籍統盡出百穀以救急者賴焉人每頌其有齊黔敖之風云

明高義民

高諱三汲號望槐慎言行端性情周急濟危有三代遺風崇禎壬午會饑粥萬人順治己亥修葺瓜坡石杠隱德超羣前州守諸明嘉其懿行三舉鄉耆焉

國朝

潘義民

潘諱雲霓仁慈成性恤物爲心間巷間無凌轢之態謙謙卑牧之隱者也躬率里人講孝說禮以德化人順治己癸廣施棺木瘞鬻骸數百事聞上以誼埒彥方稱之周禮蜡氏掌除飢凡國之飢禁瀆

續華州志卷之三 人物列傳

李

氏其有合于古哉

胡義民

胡名文簡朴儻木強甘守窮居偶順治四年往三
峽店拾趙果銀十餘兩簡于途間候三日遇果來
尋簡以原物還之簡素貧窘四壁蕭然以朝不保
暮之人而有潔清無染之行豈讓披羊裘之甄彬
哉彼禦人于國門之外損人利己者視此能無汗
顏耶

續華志卷之三 人物列傳

突

人物列傳

列女傳

明郭烈婦東氏

氏東秉女郭宏祖妻也宏祖業儒年二十有八妻
東氏年二十有六萬歷二十五年宏祖病故氏三
日不食自縊而死閭學舉烈實公申請按臺吳公
永瑜上其事建坊旌表焉

明李烈婦孫氏王氏

孫氏王氏李鉉側室也鉉商州吏以無子故納二
氏為箕帚妾家甚貧萬歷四十二年病劇卒二氏

續華志卷之三 人物列傳

堯

日所天不辰安求生乎或給以嫁或給以守至第
五日孫語王曰千金易得寸心難回王頰首無言
午夜孫經匱左王經匱右孫年三十有一王年二
十有三雙雙助筵甘心從一前太守范公聞于直
指使龍公旌厥門焉

明徐烈婦李氏

李氏徐希曾妻也年方少艾崇禎丙子寇至脅之
弗從疆飲食弗從罵賊為賊所害夫華為古鄭國
桓武教澤浸灌民心已久每見奇烈俠骨膾炙人
口卽邨落葑屋之家猶有遺風豈新鄭溱洧之俗

可同日論哉

明烈女范氏

范氏者賓崇淹女也年十五古師仲納采焉未廟見崇禎丙子正月避寇樊鼻氏家時樊居西南原寇暴掠之手其鬢女憤投崖寇追扶馬上至康家溝女又投崖適劉生家屬避溝底見其折髀訊則為范也扶至家飲食弗受又聞驚復投管井劉生垂縞呼曰爾父母至可執縞女竟不言而死兄鄉貢堯化移屍出井儼若生焉及歸羊角廳旋化祝之散去前太守鄧公吊祭學使者汪公累以表其

續華州志卷三 人物列傳

七

盧

明任烈婦徐氏

徐氏渙女也嫁于任為嬭崇禎甲戌關中遭寇亂嬭隨其姑避賊柿原南葫蘆溝河頭遇賊因奔失其姑處嬭哭聲震野賊眾以刃接于項索嬭從嬭曰誓從吾姑死不從汝輩生遂遇害有王季安詩曰不從鼠輩生誓從阿姑死日月有窮時危言凜風雨哭聲干雲霄皇天聽咫尺仰止屢糟糠羞殺被金紫

明烈女劉氏

劉氏應柏次女也年十四賊至攪得屋壁間緩語強之弗從良久賊欲東怒叱曰欲死耶女展頸伏地刃下而斷其父奮起刺賊臂眾至焚其家有王季安詩曰活活刃上血濡刀不濡手猛氣覺身輕七尺非我有敵眾固為難八口能存否墜地金石聲有女堪瓊玖

明胡烈婦

胡烈婦胡守才婦也胡為酒家保時崇禎丙戌賊如柳子鎮不及避賊攜刃入板屋呼婦為炊婦大罵曰吾不避死豈為爾輩炊耶夫畏甚急呼為炊

續華州志卷三 人物列傳

七

婦並罵其夫不絕口賊突起刃婦有王季安詩曰青帘日搖曳當爐無好狀元黃變中野婦人獨骯髒不為鼠輩炊肯逐風塵喪所愧為人夫無顏答仰望

明徐烈婦

徐烈婦徐光榮家子婦也蚤寡生一子受書師家還遇賊母奔救俱執罵賊賊眾牽婦上馬曳于村塢道涂中罵愈烈度弗免給告家貲鄰舍井中至遂投井賊以杆石亂投碎其骨其子以急母亦死有王季安詩曰妖風掣帝怒白刃及寡妻哀哀靡

下兒疑隨山與谿靡它已有年之死願無違不作
風中塵甘作井中泥

明拓烈婦王氏

王氏拓惟展妻也居柳子街南賊至展夫婦俱執
妻囑賊搜它家脫去賊出忽不見急呼衆至展家
妻方懸梁上賊奮以刀斷其帶一擊至地而氣絕
有王季安詩曰妖燹橫東郭殺氣滿南陌有女化
離死奚言贖千百郎作樹頭花妾作嶺底石鬼火
夜燐燐化爲傷心碧

明吉烈婦李氏

續華州志卷三 人物列傳

三

李氏吉家瑞妻也崇禎甲戌李遇賊疆上馬墜三
仆地罵曰我曾耳大家訓身爲諸生婦寧從賊耶
遂刃馬足下有王季安詩曰腥飈下煙市其基比
于刃一爲婦人身遇亂寧知命誓爲吉士死矧耳
鄭家訓明明皎如月飛破芙蓉鏡

明鄭烈婦王氏

王氏諸生宏講女鄭光普妻也崇禎甲戌賊驚聞
三峽店時普方沉痾氏侍夫弗避其父迎入城堅
弗就賊至被執同婢叱賊執愈急遂大呼誓立斷
其頸普病劇亦死有王季安詩曰鴛衾結雪霜血

刃莽山積歸寧豈非願兩髦矢靡悔隸下人早逝
是妾傷心地白首竟同歸倡隨真無愧

明烈女田氏

田氏曰微女也崇禎癸未逆寇入關女邨居避亂
于舅氏樊家年十六工刺繡賊掠堡女從堡城投
隍而死嗟嗟年方少艾尙未委禽而能有冰清玉
潔之志卓行芳聞不朽天壤安與草木同腐者可
概論哉

明郭烈婦張氏

續華州志卷三 人物列傳

三

張氏郭仲熙妻也年二十有六崇禎癸未逆寇入
關脅氏投水死之人生誰無死有死于疫者死于
難者均死也死而與草木同朽孰若死以揚名後
世表表天壤間哉卽如美豔之年猶知從一之大
義之不可泯尤其所難者矣

明王烈婦謝氏

謝氏三原縣人謝安國之女王虞之側室也氏貞
靜端莊秉于性成崇禎癸未十月初七日逆賊入
城投井死焉烈義凜凜賢矣哉

明劉烈婦王氏

王氏建寧府同知王鴻誥之仲女配儒童劉光祚

者也祚父文蔚歷官保寧通判祚病氏進湯藥弗
倦及病篤泣訣曰予病弗起汝年方少艾予死盍
改適氏泣誓曰幼遵母訓從一而終請以死殉未
幾祚亡氏日夜哭泣寢食俱廢姑母伯姊慰曰汝
以死殉汝志也柰劉之宗祔何汝幸有娠尙產男
子劉氏可云不絕尙慎旃哉氏少釋誕彌月分
婉孌氏喜且泣曰劉氏幸有後予可以報于地下
矣泣涕廢食如故姑母伯姊復慰曰汝死于汝得
矣柰雙雙弱赤何氏泣曰予向不死者謂有今日
今幸而男且二子復何待遂七日不食而死鄉黨

續華志卷三 人物列傳

七

姻戚聞者莫不嗟悼時年方二十也遂以上聞臺
司諸明咸憐其少而節節而烈也郡守鄧公有名
高咏鴈之表西安太守陳公亦謂冰霜之操潼關
兵備憲使丁公有曰冰霜節操督學使者王公高
其節凜冰霜按臺傅公題云柏舟誓節撫臺練公
題云誓節冰霜若斯之年而矢志堅白何其介節
稜稜哉

明崔烈婦袁氏

袁氏崔建中妻也建中業儒年甫十九病殤遺子
承祿三齡氏以藁糶義不可更欲以死殉或慰之

弗聽夜日哭泣未闕百日竟以節終焉男女居室
人之大倫也氏能盡倫道以死從一可謂不忝其
名哉

國朝

王烈婦種孺人

孺人王鴻誥配也以夫封孺人治家教子恪遵女
誠伯子憂熊仲子吉士叔子吉人訓以詩書無異
孟母人咸樂道不置順治己丑山賊潛掠之孺人
竟罵賊而死

張烈婦史氏

續華志卷三 人物列傳

七

史氏州民張起昇妻也善事舅姑相夫以禮以賢
孝稱順治壬辰六月間遇山賊之變殺其夫氏被
執抱之罵賊堅不隨行賊怒殺之路人過其屍莫
不流涕

明郭節婦杜氏

杜氏郭承實配也實於嘉靖四十三年卒氏年二
十有四撫子廷召方三齡後成立爲郡諸生氏得
九十四壽崇禎七年物故孀居七十載前直指使
徐公有完節可風之美學使洪公題曰貞節太守
累表其門

明宜節婦黃氏

黃氏遷之女宜良孺頌也嘉靖四十四年良孺歿氏方二十三歲遺子曰謙甫三齡氏焦勞撫孤備容頓顛極其艱苦及子成童教以詩書年十五冠多士食餼後以鄉貢進士歷官湖廣鄖西縣事業文章并擅其美亦可以不負母之苦節矣黃以天啓二年卒寡居五十九年得壽八十有二節壽雙全亦僅見哉

明李節婦屈氏

屈氏諸生李允恒妻也萬歷癸酉恒卽世氏年二

續華州志卷三 人物列傳

去

十有七事姑劉以孝聞甘貧勵節志終不易鞠孤華實成立補郡諸生工琴能詩詮解乾象之學稱爲通人學憲洪公直指徐公累表厥門得七十二壽孀苦四十五年詩云匪石匪席于婺婦見之

明王節婦甘氏

甘氏郡學生王汲引妻也引于萬歷十年故氏年二十有三遺子好問甫七齡氏矢志堅守絕傳白騰黑之餘辛勤載績且教子讀書爲郡學生守節六十一年得八十四壽學博龐公姚公嘗表其廬

明安節婦彌氏

彌氏安仕郡妻也夫于萬歷十八年歿氏方二十三歲遺子九忠方三月鞠育之守節五十年至崇禎十三年卒得壽七十有三前布政司經歷劉公署州事嘗表云柏舟比節

明姬節婦劉氏

劉氏邦傑女姬業配也夫于萬歷二十一年殤氏年方二十有五遺二子文顯文謨守節歷盡艱辛嘗大祲以糟糠自甘三孫其一曰璉步入璜序儻不羈亦可以報氏七十三年之志矣氏享有天年九十八歲前太守鄧公以貞節風之

續華州志卷三 人物列傳

去

明張節婦黃氏

黃氏書女張自得配也夫于萬歷二十二年蚤逝氏年二十有八嗣任養浩若同產子者時舅姑在堂志堅不踐二庭及侍二親生事葬祭循禮無缺而子賴成立得七十五壽嗟虛水心經節四十七年且甞勉有無勞心焦思至孫有四濟濟衣冠曾孫有六英英勃發賢德成遠宜哉前太守史鄧諸明嘉歎表揚謂之水節維風貞慈範世詎虛譽哉

明劉節婦徐氏

徐氏劉天緒妻也萬歷二十四年緒故時氏年二

十一歲撫子澄清成立得壽六十有二苦志四十餘年茹荼堅貞誠鮮觀者

明騫節婦張氏

張氏光秦女騫雲鵬嬪也萬歷二十四年鵬喪氏年三十撫三男子教以耕讀且孝義著聞一鄉稱善而氏今壽七十有五苦志四十五年能終其節可謂賢矣

明李節婦徐氏

徐氏李講詩配也詩于萬歷二十五年物故氏年二十有三無嗣有二女長六歲次三歲氏苦志終

續華州志卷之三 人物列傳

庚

守撫女有成長適于古次適于康結禱婚嫁咸如禮有知州高公以節凜冰霜旌之得壽八十七歲而守志六十四年寧非副笄中之拔萃哉

明王節嬪李氏

李氏王養志妻也志于萬歷二十七年不諱氏年二十有五遺二子撫養守節歷五十八載得壽八十有三卒前西安太守李公以節抗金石賢之後子雲龍授蒙城典史

明郭節婦王氏

王氏庭諫二女長適郭仲樸仲適郭仲煥也以姊

妹為妯娌云樸于萬歷二十九年告歿氏年十九育子民藩方二齡後成立為郡諸生能詩善楷工

草聖氏得壽八十七矣可謂奇節云煥于萬歷四十六年卒氏年二十有二子女無出與姊同居堅節四十五年得壽六十有七前直指王公表云節比柏舟太守鄧公旌曰貞節王公表曰一門雙節洵足以維持風化哉

明張節婦劉氏

劉氏張養性妻也夫蚤卒氏年二十有八遺子始免繼祿時舅姑年力頽侵暉然而墮矣氏矢志堅

續華州志卷之三 人物列傳

壬九

貞即孤特寡助勉為勤勩舅姑告終葬祭如禮育孤名日光啓木疆敦厚躬耕事母為人僕賃終日旬資無節嘗遇虎弗傷墮岷弗死其母七十告終廬墓三年哀痛母節欲報罔極問里賢之前代署尚公謂之全節維風學博師公謂之苦節純孝云

明張節嬪劉氏

劉氏郡學生劉芳女也幼時恪遵父教執箕箒于張氏璉生子甫周而璉于萬歷三十一年即世氏方二十四歲誓不再媾侍奉孀姑甘旨盡職姑終循禮葬祭時氏乳養遺孤迄成立名曰中蘊入武

學氏孫宏毅亦補郡弟子員氏今年八十有七六
十三年貞操曷可多得哉督學使者高公表其廬
曰貞節

明孫節嬭張氏

張氏坤女孫仕選配也夫于萬歷三十一年卒氏
年三十有五止三女氏獨黽勉有無終節六十一
年于康熙三年卽世得九十六壽寒苦終身此亦
閨閫之有特操與

明時節嬭楊氏

楊氏時守田妻也田于萬歷三十四年卒氏年二

續華州志卷三 人物列傳

全

十有七家窘甚或勸嫁之氏曰一與之醮終身不
改幸有女可贅門楣終其身以全節矣今得壽八
十有七女又添丁六十年之節氏可媲美魯之陶
嬰哉

明王節嬭李氏

李氏若芝長女王庭論配也時論爲郡諸生萬歷
三十五年卒氏年二十有九撫二子方弱齡伯曰
師曾爲潼關衛指揮仲曰毓曾爲郡諸生博習經
史至孫任成長庚長申衣冠相繼亦可以報氏四
十九年之節矣氏壽七十有八順治十三年不祿

節壽雙美亦僅見者

明寧節嬭李氏

李氏江都簿李麒之叔女爲舉人寧任亨元配時
亨舉于鄉授漢中城固縣學正蒞任三月卒于官
氏年甫十九遺子國選方兩月以及笄之年青弱
赤之子而能甘貧守義重繭不休且教子遷善不
更難乎後子補郡弟子員至孫曰接武衣冠不絕
何非氏七十載賢德之所成乎前郡守馮公謂云
節婦王公題云誓節柏舟高公額云節凜冰霜史
公表云節壽嗟嗟樂義好德人有同心卽此可以

續華州志卷三 人物列傳

全

風世

明馮節嬭魏氏母氏

魏氏馮祐妻也聽選故于京邸氏年二十有六聞
訃哀泣幾死教二子讀書長曰應樞官四川松潘
經歷秩滿勅封遷都事仲曰應權苦學入庠氏守
志七十年得壽九十六歲臺司累表其門曰節壽
雙全至孫熙皞爲郡諸生弱冠不祿妻母氏年二
十一歲欲以死殉姻戚婉慰氏勵節教子士奇
國朝拔選擢授泗州同知有能吏聲氏得六十三壽
大媿大王姑風迄今言一門雙節者每嘖嘖不置

云

明王氏一門三節党氏常氏顏氏

王節婦乾亨妻党滿女也党甫及笄于歸舉三子

一女曰重倫正倫叙倫乾亨病歿党年二十有五

誓無他志撫育子女婚嫁得年八十一而終重倫

妻常雲女也生一子曰士重倫歿常僅二十一歲

日奉孀姑撫三歲兒幾歷寒燠庶其成立得年八

十二而終士妻顏良弼女也生一子曰容善士幼

顏年纔十九弱孤呱呱撫成受室得年八十而終

嗚呼世倘貞節尚矣然有若王氏者三孀相倚孰

續華志卷之三 人物列傳

全

熒孤立且家無厚產羨慕嗆糗六十餘年能綿王

氏三世之脈于弗絕寧不謂之奇節哉

明何節婦薛氏

薛氏處士何溢妻也溢性博濟會大饑嘗出粟五

百碩助賑院道旌義之溢歿薛三十一歲卹災睦

患一如其夫歉歲煮粥饑者德之撫二子從康從

泰後康尉館陶泰尉固城時康得受祿養康妻王

氏事薛至孝會薛在途為雨所激啞不能飲食王

口哺湯五日始甦侍藥餌終夜不解帶氏子啓圖

攻詩書多廉幹

國朝初徵為四川叅議歷官山東按察司副使所至

有聲薛考終時年七十有七王氏亦七十八歲姑

婦節孝雙高每為人所樂道云

明李節婦武氏

武氏振女李克朝妻也蚤歿遺子天登甫六齡氏

年二十有三兄欲奪其節氏志愈堅孀居五十二

載得七十五壽前太守以柏舟其志表厥廬

明張節婦劉氏

劉氏應魁女張經元妻也氏字于張年甫二十有

八而經元卒氏以女有不易之行堅心砥節綦編

續華志卷之三 人物列傳

全

茹蘆無事膏沐至今已酉年已七十有六冰檠四

十八載而能介節金石堅忍勞動非天之負氣于

氏有特操者乎且氏好施家頗裕盡捐所有弗計

也氏父應魁善行君子而氏不改父行其天性之

良若此柏舟麟趾之詩可取而為氏咏矣

明李節婦王氏

王氏李植妻也年二十有二夫亡遺子二長方五

歲次方三歲氏以美豔之年執爨婦之節之死靡

隱且撫子成立皚然鬢變而毫無他志此亦人情

之所至難者五十八年之操有如一且也得壽八

十卒府判郭公署州事嘗旌其廬焉

明張節嬪郭氏

郭氏張衛瑞妻也賦性耿潔不與群女嬉戲年甫及笄而配與衛瑞事舅姑以孝聞至于妯娌和睦理家勤儉皆合于女德生子元景方七歲而衛瑞早逝即欲自縊殉姑慰之曰從一而終婦道固然汝死子將誰撫乎氏乃止今氏年已七十有二矣而元景亦得三十九歲且氏于季弟之子元曉有乳育之勤故叙其節併及其賢慈如此

明楊節嬪李氏

李氏若楠女郡諸生楊文煒配也夫于崇禎五年不諱遺子王陞僅幾六尺氏以守義自勵擇鄰訓子後王陞補郡弟子員氏卒年七十有三而三十三年之節洵為里巷所賢云

明王節婦姬氏

姬氏誥封勝令姬公之女字指揮王師曾者也曾于崇禎五年物故遺子仕成甫周餘時氏年四十有一守義哺孤茹荼而薺及子成立三遷之訓不亞孟母當年而子為文學重望可以不負厥志矣且子朝夕定省能盡子道氏今于康熙丙午七十

五壽身體康泰節壽雙全亦鮮觀云

明周節婦武氏

武氏世寵女周明鵝妻也性情端莊恪執婦道年二十有四夫故有遺腹子于夫故後三十五日今生矣男也名曰永振育之歷五十餘年冰檠之苦自少及壯壯及老里黨歎服咸稱其能守也古云烈易而節難信乎若此堅操幾人哉氏卒年七十有五前太守秦公嘉其貞節有柏舟流光之譽

明劉節婦王氏

王氏玠女劉廷奇妻也奇早逝氏年十有七矣遺

腸三月生子宏英家道窘急氏誓不更兼以舅老繼姑堅持水操而節孝克全仰事俯育亦幾難哉氏享年六十有一四十四年之節誠為鮮觀夫以少艾之年值貧困之時撫襁褓之子甘心守義之死靡隱若此奇節可以風世不則蒼煙衰草之間幾不至于滅絕者矣

明王節婦陳氏

陳氏華陰縣孝廉陳公女郡弟子員王棻配也棻引禮公次子繼司成立嗣陳年方二十棻卒孤甫周撫孤守義六十餘年得壽八十有四前直指龍

公上其事奉

旨旌揚給錄發粟以勵風化

明潘節嬭魏氏張氏

魏氏潘文秀妻也秀故氏年方十八遺腹未生因
舅姑年老堅志奉養後生子從善氏鞠一十九年
委禽張氏舅姑告終而氏葬祭如禮其子生二孫
國玉國璽從善卒遺妻張氏年三十有六姑婦寡
居相倚爲命至今康熙己酉魏年八十有四張年
六十有六雖家道寒微一門雙節每爲閭閻見稱
云

續纂州志卷之三 人物列傳

全

明史節嬭李氏

李氏養心女配史讓爲偶孝事舅姑雞鳴盥櫛綽
有四德氏夫于天啓二年物故氏年二十有八遺
子俊猷南周氏堅志守節挫鍼治繡育子成立教
以詩書步入官牆氏年六十有八卒四十年苦節
始終如一而閭里賢之

明王節嬭東氏

東氏郡諸生王夢熊妻也天啓丁卯生子丕顯方
孩夫卒氏年一十有九無更二心四十餘年撫子
有成遂入郡泮今得年六十五矣而節健松筠操

守弗奪將與黃鸝比翼睢鳩同潔乎

明李節婦張氏

張氏映隆季女李應龍配也夫卒氏年方三十育
子蕃教以成名登華庠得年六十六歲于順治十
三年終三十二年之操潔似冰清堅若金石可謂
媲美共姜且氏治家有道風稱林下風寧非巾幗
翹楚耶

明徐節婦趙氏

趙氏徐應詩妻也夫爲繁峙縣典史卒于官氏年
二十七歲苦志終義教子民仰名登府庠堅操三
十三年前太守史公有柏舟嘉操之贈鄧公有節
撫後裔之賢

明徐節嬭同氏

同氏徐應誥妻也誥爲靖安簿卒于官氏年二十
有六一子逝蚤撫子姓君輔羨藜哈糗教以成名
身廁儒林氏堅三十四載之守今得壽六十餘矣
藉籍芳聞寧非服河洲之餘麻邪

明范節婦劉氏

劉氏范光輝妻也時氏年三十早寡孀居四十五
年今壽七十有五氏貞儉守義不忝女箴撫孤嘉

續纂州志卷之三 人物列傳

全

樊成立捐修義塚前署州事林公學博師公咸表其門

明武節嬪梁氏

梁氏武壁康繼室也先妻王氏遺子瑾十三歲氏育之如同產者康卒門祚衰微梁氏治家甘貧守義為瑾受室且令擇師學舉子業為郡諸生里中賢之守節四十餘年今七十一歲

明王節嬪何氏

何氏王斗妻年十有九歲斗死遲五月氏有娠產男子家貧果履克勤紡績勉育孤子守節四十六

續華州志卷之三 人物列傳

六

年孀苦始終如一今六十有四亦村落之所鮮觀云

明史節婦王氏

王氏汝啓女史明薦妻也崇禎元年夫故氏年二十有六遺子一鰥甫月餘是時翁姑垂白孩赤難保當此卽素嫻內則衣食裕贍者保無有矢志貞一而卒無變乎况以椎魯樸誠之少婦兼之饗殮弗給儻非貞節天縱孝順性成何以仰事俯育介然有以自守耶而氏固確乎其不可移易焉如此哉歷年六十有七孀苦四十一年一片冰心可謂

之死矢靡慝與

明宜節婦郭氏

郭氏古城驛宰大業長女為童生宜元彥婦也彥于崇禎元年蚤夭氏年二十有五撫孤子璞方周冰心堅節家貧績紡奉二姑齊氏潘氏勉殯葬無缺于禮及子璞成立受室而璞雖樸質木強賦性至孝氏沒六十有七而苦守四十二年亦能人之所不能云

明羅節婦党氏

氏党福助女羅猷配也猷于崇禎四年物故遺四

續華州志卷之三 人物列傳

九

子文滾文俊文斗文奇方幼孩氏弗以家計窘迫為心止以全節守義為念甘茹冰蘖杼柚之聲歷寒暑弗輟毘勉有無亦僅見之後與子各受室成立而門戶漸有起色寧非氏四十六年之苦志乎今壽七十有一矣里人由是嘉其賢為之製錦以褒其節壽云

明李節婦吉氏

吉氏紹慶女郡學生李恭配也崇禎六年恭故氏年甫二十六歲遺子振生方三齡翁姑之齒已髯然而隋矣氏廼仰事俯育各盡其禮及翁姑歿

氏勉爲葬祭撫子成立受室何非氏四十五年苦節之所及乎今氏七十有一雖皤皤黃髮猶職勤勞不倦

明王節婦姬氏

姬氏忠烈公女爲茂才王喬松妻也松于崇禎六年捐館遺子丕謨方二周氏年十有八矢志守節育養弱孤兔走烏飛今氏五十八歲矣婦之于夫從一而終義也至若芳質弱齡堅持特操寒暑不易其志冰燧四十年固其難哉且氏事姑至孝生事葬祭一一盡禮是氏以婦而代子職也有孫五

續華州志卷三 人物列傳

卒

人氏皆含節足以見昌後之報乎

明孫節婦周氏

氏周士龍女孫興邦妻也崇禎七年邦卒遺子顯甫二齡氏年三十有四守義三十六年撫子成立得年七十終夫節固難貧而守焉愈難茹茶含糗之能終其義不幾表表特出哉

明宜節婦梁氏武氏

梁氏處士梁宗孟次女郡諸生宜元階繼室也階于崇禎八年故氏年二十有七無子撫前氏二子怡如恂如後怡如賊見殺遺妻武氏年二十有五

姑婦相守冰霜操堅可謂一門雙奇今梁五十有九武五十有一孰孰寡居每爲里人見美云

明孫節婦呂氏

呂氏渭南呂大秦女爲孫賢妻也氏年十有八早寡守節四十六年今六十有四矣夫亡日遺二子伯曰文正甫三齡仲曰文環方彌月今已成立胼胝職勞有無屢勉氏亦極盡焦思乎

明范節婦甯氏

甯氏范居惺妻也氏年二十有二早寡無子伯叔欲奪其節氏斷髮毀容以自誓育所子玠教以詩

續華州志卷三 人物列傳

卒

書爲郡諸生歷遭兵荒節志愈堅卽至親往焉闔門與之言皆不踰闕今年七十有一人咸稱有公父文伯之母風焉

明王節婦郭氏

郭氏稷女諸生王璠妻也年十八歲早寡遺女劬事舅姑以至孝聞冬嘗績皸痲不知其寒今年六十有三矣操堅金石問閉賢之

明郭節婦王氏

王氏郡諸生郭甸妻也氏父諱極爲郡學生名族巨望素以列女孝經諸書訓之及適郭氏年甫二

十有一夫故氏守節三十四年奉侍翁姑生沒盡孝載維練縑胼胝勤勞且教子鳳翔亦得遊泮而孫枝蕃衍何非冰節所致哉

明史節婦張氏

張氏吉州公應春之長女爲茂才史鏡妻也氏甫十六鏡委禽焉氏年二十有一蚤寡阿保所子艱苦倍常日望成立而竟以二十有四不祿遺孫雖五尺之童聰穎岐嶷或天之有以報氏苦節乎今氏年五十餘矣操持三十有一載蓋亦難哉

明范節婦孟氏

孟氏郡諸生范朋韓妻也氏性至孝未廟見時割股以療母疾于歸克執婦道夫卒氏年二十有四遺子居博尙數月立志守節誓不他適治家教子歷盡堅辛及子登泮林而氏節乃見三十九年冰檠異常今得年六十三歲

國朝

潘節婦王氏

王氏孝廉潘琬配也嚴守女箴幽閉性成爲貴族之彼都云適琬勤以治家慈以教子會琬北上捐館計聞號泣絕食立欲死殉父文煜慰之曰汝有

續華州志卷三 人物列傳

三

舅在皤皤二毛呱呱三孤將奚賴汝盍勉侍與撫異日三子成立亦可以見汝節矣氏方飲食及舅卒葬祭如禮三子皆受室氏今年六十七矣苦節二十七年髮皚如雪甘守窮約何非始于遵父中于相夫終于爲子哉

王節婦高氏

氏諸生高承聘女王加簪妻夫于崇禎二年歿氏年三十有六遺子伯柱早卒仲棟爲制墓郊用官叔樑季楨俱吏守節四十一年年七十有七歲鄉里重其賢德舉帳屏賀之知州王公潞有節壽可

續華州志卷三 人物列傳

三

風之美總督旗鼓徐公文魁扁曰蕙榮箕福州吏目張公文義表曰介福王母云

陳節婦馬氏

氏陳應節婦也夫于崇禎三年外出生理氏年三旬撫長子浴新方六歲次子滌新甫周歷盡艱苦兼事舅姑以至孝聞生事葬祭咸如禮二子成立各受室夫亦不知其所之氏苦守四十餘年堅節弗改至今浴新見孟津典史滌新見固始典史氏可謂瞑目矣

李奇節婦王氏

氏守業妻也業年二十病故妻方少艾有豪族右姓賄氏之舅姑奪而嫁之氏至勝塹投井而死幸免強暴之汚氏誠冰玉之操矣余書方成有表氏奇節余嘆曰有氏若此幾至泯滅尤有聞受舅姑之誣而含冤地下者寧不至梧亭夜鬼之哭乎

明劉孝女

孝女劉氏者華之大漲里人父大器母陳氏女生隆慶己巳甫三齡大器歿母年二十有四守節撫女女十有二母病女日號泣繼之以夕禱諸神母瘳矢不字茹蔬以終身母尋瘳涓室焚香虔事諸

續華州志卷之三 人物列傳

諸

神卸除鉛華晨昏衣帶不小緩青燈熒熒績紡之聲弗絕以供母餽粥而已媒灼至輒怒憤欲自經蓋其所矢志然也女家素貧同產兄二自得自穩與女而三莊屋三間磽田三畝三分之會丘嫂殉遺有三齡子朝顯呱呱而泣女含食以食乃獲成育無何仲夫婦又殉遺二子朝景朝彥幼而弱女善撫之皆長大報大家之德一如其所生者閭里胥嘖嘖稱之天啓辛酉母八十有奇以壽考終女生五十八年矣毀瘠哭奠終三年喪春秋伏臘時食必薦後先數十年學校以至郡守監司臺院咸

表其間給穀與布以旌貞孝云後奉勅建石坊表厥風化曰劉孝女坊後以八十五歲終其節

明王貞孝女

王貞孝女承助仲女也幼字與茂才黃元灼之子宗憲時尙待年至崇禎七年宗憲被寇掠女之死靡慝願奉舅姑于十年親執棗栗服脯年甫十有七也于歸鉛華不御茹苦甘貧練緼所出上奉二親翁故女哀毀營葬事姑益篤勤業艱辛積勞成疾于

續華州志卷之三 人物列傳

聖

國朝順治十二年三月初五日卒冰操無間貞守克終是女而婦婦而子古今曷可多得哉前院道州郡侯累有表揚傳記詩序辭文以旌其賢

明宜孝孀王氏

王氏宜理妻也氏未廟見事繼母至孝母疾廢寢食朔望夜禱諸神願以身代及于歸事舅姑克執婦道姑疾氏事唯謹目不交睫九晝夜不解帶七逾月卽一食未嘗不在牀第間也姑未進湯藥者三日氏弗食亦三日姑卒氏幾死鄉黨宗族稱孝氏二子伯曰騰峇仲曰騰峯夫嘗外出氏訓子從學遂登泮林